

Na osnovu Odluke o utrošku sredstava broj 1363/12 od 10.12.2012. godine, Skupština Ljekarske komore TK na prijedlog Izvršnog odbora Ljekarske komore TK na sjednici održanoj dana 11.06.2013. godine usvojila je

PRAVILNIK O NAKNADAMA ČLANOVIMA ORGANA KOMORE

I) OPĆE ODREDBE

Član 1.

Ovim Pravilnikom uređuju se uvjeti, kriteriji i način ostvarivanja prava na naknade i druga materijalna prava koja pripadaju članovima organa Ljekarske komore Tuzlanskog kantona (u daljem tekstu: Komora), kao i članovima Komore koji su delegirani u članstvo organa Ljekarske/liječničke komore FBiH (u daljem tekstu: Federalna Komora) te visina istih.

II) NAKNADE KOJE PRIPADAJU ČLANOVIMA ORGANA KOMORE

1. Naknada za rad u organima Komore

Član 2.

Članu organa Komore pripada pravo na naknadu za rad u organu Komore, čiji je član. Pravo na naknadu za rad u organu Komore član ostvaruje prisustvom sjednici organa Komore, čiji je član. Zloupotreba korištenja prava iz st. 1. ovog člana, smatra se materijalnom štetom i podliježe obavezi odgovornosti za tu štetu u skladu sa zakonom.

Član 3.

Članu organa Komore koji prisustvuje sjednici organa Komore, čiji je član, pripada naknada u visini od 50,00 KM. Ova naknada odobrava se odlukom o isplati naknade koju donosi predsjednik Komore, a na osnovu pismenog izvještaja Stručne službe Komore o prisustvu sjednici organa Komore. Pismeni izvještaj o prisustvu sjednici organa Komore obavezno sadrži i verifikacioni list prisutnih sjednici.

2. Naknada za rad u organima Ljekarske / Liječničke komore FBiH

Član 4.

Članu Komore kojeg Komora delegira u organe Federalne Komore pripada pravo na naknadu za rad u organu Federalne Komore, čiji je član. Pravo na naknadu za rad u organu Komore član ostvaruje prisustvom sjednici organa Federalne Komore, čiji je član. Zloupotreba korištenja prava iz st. 1. ovog člana, smatra se materijalnom štetom i podliježe obavezi odgovornosti za tu štetu u skladu sa zakonom.

Član 5.

Članu organa Federalne Komore koji prisustvuje sjednici organa Federalne Komore, čiji je član, pripada naknada u visini od 50,00 KM.

Ova naknada odobrava se odlukom o isplati naknade koju donosi predsjednik Komore, a na osnovu pismenog izvještaja Stručne službe Federalne Komore o prisustvu sjednici organa Federalne Komore.

Pismeni izvještaj o prisustvu sjednici organa Federalne Komore obavezno sadrži i verifikacioni list prisutnih sjednici.

Član 6.

Članu organa Federalne Komore, a u svrhu prisustva sjednici organa čiji je član, Komora će obezbijediti prevoz do sjedišta Federalne Komore i nazad.

Član 7.

Ukoliko Komora ne obezbijedi prevoz do sjedišta Federalne Komore u svrhu prisustva sjednici član organa Federalne Komore ima pravo na naknadu za prevoz vlastitim sredstvom u iznosu koji je jednak vrijednosti: cijena 1 L goriva koje koristi prevozno sredstvo (2,50 KM) X 0,20 X zbir kilometara do sjedišta Federalne Komore i nazad.

Ova naknada odobrava se odlukom o isplati naknade koju donosi predsjednik Komore, a na osnovu pismenog izvještaja Stručne službe Federalne Komore o prisustvu sjednici organa Federalne Komore.

Pismeni izvještaj o prisustvu sjednici organa Federalne Komore obavezno sadrži i verifikacioni list prisutnih sjednici.

III) PRIJELAZNE I ZAVRŠNE ODREDBE

Član 8.

Ovaj Pravilnik stupa na snagu narednog dana od dana usvajanja od strane Skupštine Ljekarske komore Tuzlanskog kantona.

Predsjednik Skupštine

Mr.sc. Hidajet Rahimić, dr.med.prim.

Tuzla, 20.06.2013. godine

Broj: 948/13

Pravilnik je objavljen na oglasnoj tabli Komore i web stranici www.ljktk.ba nakon što je potvrđen od strane Skupštine Ljekarske komore TK na sjednici održanoj dana 11.06.2013. godine.